



# COMUNE DE PÀDRIA

## DELIBERATZIONE DE SA GIUNTA COMUNALE N. 60 DE SU 30/11/2020

OGETU: EMERGÈNTZIA EPIDEMIOLOGICA DAE COVID-19. ADOTZIONE DE MESURAS URGENTES DE SOLIDARIEDADE ALIMENTARE. DIRETIVAS A SU RESPONSÀBILE DE SOS SERVÌTZIOS SOTZIALES.

S'annu duamìgia binti sa die trinta de su mese de Santandria a sas oras 14.00, in s'UFÌTZIU DE SU SÌNDIGU, fatu chi siat esaurimentu de sas formalidades prescritas dae sa Lege de s'Istadu e dae s'Istatutu, s'est riunida sa Giunta Comunale suta sa presidèntzia de su SÌNDIGU DOT. MURA ALESSANDRO.

A s'apellu nominale resurtat:

<b>CÀRRIGA</b>	<b>SAMBENADU E NÙMENE</b>	<b>PRESENTE</b>
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n° 3 Ausentes n° 0

Partètzipat su SEGRETÀRIU COMUNALE DOT. PULEDDA ANTONINO, su cale providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

## SA GIUNTA COMUNALE

### PREMÌTIDU

chi:

- su 30 de ghennàrgiu de su 2020 s'Organizatzione mundiale de sa sanidade at declaradu s'epidemia dae COVID- 19 cale emergèntzia de sanidade pùblica de rilevàntzia internatzionale;
- cun deliberatzione de su Consìgiu de sos Ministros de su 31 de ghennàrgiu de su 2020, est istadu declaradu, pro ses meses, s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae virales trasmisibiles;
- in sa setziada de su 7 de santugaine, su Consìgiu de sos ministros at deliberadu sa pròroga de s'istadu de emergèntzia a su 31 de ghennàrgiu de su 2021;

**TORRADOS A CRAMARE** sos àteros provvedimenti emìtidos, chi si podent consultare in sa *Regorta de sas dispositziones in matèria de cuntinimentu e gestione de s'emergèntzia epidemiològica dae COVID-19 e su testu coordinadu de sas ordinàntzias de protetzione tzivile*, predisposta dae su Dipartimentu Natzionale de Protetzione Tzivile;

**ÀPIDU RIGUARDU**, in particolare:

- a s'Ordinàntzia n. 658 de su 29 de martzu de su 2020 de sa Protetzione Tzivile, chi cuntenit: *"Ulteriores interventos urgentes de protetzione tzivile in relatzione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes trasmisibiles"*, cun sa cale est istada assegnada a su Comune de Pàdria sa summa de € 5.414,39 pro mesuras urgentes de solidariedade alimentare;
- in s'art. 2 de su Decretu Lege n. 154 de su 23 de santandria de su 2020, cun su cale, pro cunsentire a sos Comunes s'adotzione de mesuras urgentes de solidariedade alimentare, est istadu istituìdu in s'istadu de previsione de su Ministèriu de s'internu unu fondu de 400 miliones de èuros in su 2020, de erogare a ogni Comune, intro de su 30 de santandria a.c., subra de sa base de sos Allegados 1 e 2 de s'ordinàntzia de su Capu de su Dipartimentu de sa protetzione tzivile n. 658 de su 29 de martzu de su 2020;

**CUNSIDERADU** chi, in sa situatzione emergentziale in èssere, si faghet indispensabile adotare totu sas mesuras netzessàrias pro alleviare su discumbèniu econòmicu de sos nùcleos familiares prus espostos a sa crisi econòmica chi derivat dae s'emergèntzia epidemiològica in paràula;

**APRETZIADU** netzessàriu emìtere diretivas apòsitas pro s'assegnatzione de sos contributos a sos nùcleos familiares prus espostos a sos efetos econòmicos chi derivant dae s'emergèntzia epidemiològica dae virus Covid-19 e a cussos in istadu de bisòngiu, pro satisfàghere sas netzessidades prus urgentes e essenziali, cun prioridade pro cussos non giai assegnatàrios de sustennu pùblicu;

### BIDOS:

- sa nota de aggiornamentu a su DUP 2020-2022 aprovadu cun deliberatzione de su Consìgiu Comunale n. 22 de su 28/12/2019;
- su Bilàntziu de previsione finantziàriu 2020-2022 aprovadu cun deliberatzione de su Consìgiu Comunale n. 25 de su 28/12/2019;
- s'Istatutu Comunale;
- su Dlgs n. 267/2000 e mm.ii.ii.;

**ACHISIDOS**, subra de sa proposta de deliberatzione, sos parres favorèvoles in òrdine a sa regularidade tècnica e contàbile esprimidos dae su Responsabile de su Servìtziu Finantziàriu, in

cunforma a s'art. 49, comma 1, de su D.Lgs. 267/2000 e mm.ii.ii.;

**RECONNÒSCHIDA** sa cumpetèntzia pròpia sende gasi sas dispositziones normativas, istatutàrias e regulamentares vigentes;

**DADU ATU** chi subra de sa proposta de deliberatzione n. 758 de su 30/11/2020 est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

**RECONNÒSCHIDA** s'opportunità in sintonia cun sa proposta tècnica avanzata dae sos ufìtzios, de protzèdere a s'aprovazione de sa deliberatzione presente pro sas finalidades in ogetu;

**ACRARADU** chi sa setziada presente de sa Giunta Comunale s'est acumprida in modalidade telemàtica a manera partziale, in cunforma a s'art. 73 de su D.L. n. 18/2020 e mm.ii.ii. e puru de su decretu de su sindigu n. 2 de su 23.03.2020;

**DADU ATU** chi totu sos partetzipantes a sa setziada:

- ant àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'opportunità de partetzipare a sos traballos de sa die de oe de sa Giunta Comunale in presèntzia (Mura - Dettori) o in modalidade telemàtica (Marica) siat in relatzione a sa discussione chi in òrdine a sa votatzione, cun su controllu costante de su Segretàriu comunale;

cun votos favorèvoles in su matessi tempus de acordu, esprimidos a manera legale, in cunforma a cantu subra indicadu

## **DELÌBERAT**

**DE FÀGHERE PRÒPIAS** sas premissas narrative e motivatzionale a su dispositivu presente de si apretziare inoghe a manera integrale traspostas;

**DE APROVARE**, pro s'efetu, sos critèrios sighentes de màssima pro s'assegnatzione de sos contributos de solidariedade alimentare, segundu s'art. 2 de su Decretu Lege n. 154 de su 23 de santandria de su 2020, a sos nùcleos familiares prus espostos a sos efetos econòmicos chi derivant dae s'emergèntzia epidemiològica dae virus Covid-19 e a cussos in istadu de bisòngiu:

- s'ufìtziu servìtzios sotziales, a pustis de istàntzia apòsita e istrutòria lestra, at a dare, a ogni famiglia chi nd'at titulu, unu **bonu ispesa mensile**, bàlidu finas a su 28/02/2021, o finas a cando sas summas trasferidas ant a èssere disponìbiles, in su rispetu de sos critèrios sighentes:
  - €150,00 pro famìlias cun 1 componente;
  - €225,00 pro famìlias cun 2 componentes;
  - €300,00 pro famìlias cun 3 componentes;
  - €350,00 pro famìlias cun 4 componentes;
  - €400,00 pro famìlias cun 5 o prus componentes;
- sas famìlias ant a pòdere ispendere sos bonos alimentares in sos esertìtzios cummertziales chi ant a aderire a sa rechesta de sos servìtzios sotziales comunales, **pro s'achistu produtos alimentares e de benes de prima netzessidade** (bòmbolas impreu coghina);
- in sa gestione de sas resursas devet èssere dada prioridade a sos nùcleos familiares no assegnatàrios de sustennu pùblicu (Rdtz, Rei, Naspi, indennidade de mobilitade, càscia integratzione balàngios, àteras formas de sustennu prevididas a livellu locale o regionale);

**DE INCARRIGARE** su Responsàbile de sos Servìtzios Sotziales pro s'adotzione de totu sos atos cunsighentes e netzessàrios a cantu dispostu dae su deliberadu presente;

**DE PRETZISARE** chi s'ispesa chi derivat dae su provedimentu presente agatat cobertura in sa missione 12, programma 04, de su Bilàntziu de previsionu 2020/2022, cumpetèntzia 2020;

**DE DECLARARE** in fines sa deliberatzione presente, a pustis de separada, in su matessi tempus e a sa matessi manera votazione de acordu (Mura – Dettori in presèntzia); (Marica in modalidade telemàtica) - esecutàbile a manera immediata in cunforma e pro sos efetos de s'art.134, comma 4, D. Lgs. 267/2000 e mm.ii.ii., pro s'urgèntzia de assicurare su perfetzionamentu de sas finalidades suas.

**PARRE DE REGULARIDADE TÈCNICA**

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **30/11/2020** at esprimidu parre **FAVORÈVOLE**

---

**PARRE DE REGULARIDADE CONTÀBILE**

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **30/11/2020** at esprimidu parre **FAVORÈVOLE**

---

**SU SÌNDIGU**  
**DOT. MURA ALESSANDRO**

**SU SEGRETÀRIU COMUNALE**  
**DOT. PULEDDA ANTONINO**

---

**NOTA DE PUBLICATZIONE N. 941**

In cunforma a s'art. 124 de su T.Ù. 267/2000 su Responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 30/11/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege vigentes.

Traduzione de s'operadora de s'isportellu linguisticu de Pàdria  
Maria Leonarda Correddu